

বাউল ।

বাউল ।


শ্রীরবীন্দ্রনাথ ঠাকুর প্রণীত ।

www.dhammadownload.com
www.dhammadownload.com

কলিকাতা, ২০ কর্ণওয়ালিস্ স্ট্রীট, মজুমদার লাইব্রেরি হইতে

পি, রায় কর্তৃক প্রকাশিত ।


মূল্য ৮০ আনা ।



কলিকাতা,

২০ কর্ণওয়ালিস্‌ ষ্ট্রীট "দিনময়ী প্রেসে"

শ্রীহরিচরণ মাস্তা দ্বারা মুদ্রিত।



সূচী ।



বিষয় ।	পৃষ্ঠা ।
সার্থক জন্ম	৭
পথের গান	৮
সোণার বাংলা	৯
দেশের মাটি	১২
দ্বিধা	১৩
অভয়	১৪
হবেই হবে	১৫
বান	১৬
একা	১৮
মাতৃমূর্তি	১৯
যে তোমায় ছাড়ে ছাড়ুক বাউল --	২২
যে তোরে পাগল বলে	২৩
ওরে তোরা নেইবা কথা বলি	২৩

যদি তোরিঁডাবনা থাকে....	২৪
আপনি অবশ হলি তবে	২৫
জোনাকি, কি স্থখে ঐ ডানা ছুটি মেলেছ		...	২৬
মাতৃগৃহ	২৭
প্রয়াস	২৯
বিলাপী	৩০
ঘরে মুখ মলিন দেখে গলিস নে	৩১



বাউল ।



সার্থক জন্ম ।

ভৈরবী ।

সার্থক জনম আমার
জন্মেছি এই দেশে
সার্থক জনম মাগো
তোমায় ভালবেসে ।

জানিনে তোর ধন রতন
আছে কিনা রাণীর মতন
শুধু জানি আমার অঙ্গ জুড়ায়
তোমায় ছায়ায় এসে ।

কোন্ বনেতে জানিনে ফুল
গন্ধে এমন করে আকুল,
কোন্ গগনে ওঠেরে চাঁদ
এমন হাসি হেসে ।

আঁখি মেলে তোমার আলো
প্রথম আমার চোখ জুড়ালো
ঐ আলোতেই নয়ন রেখে
মুদুব নয়ন শেষে !

পথের গান ।

রামকেলী—একতাল্লা ।

আমরা পথে পথে যাব সারে সারে
তোমার নাম গেয়ে ফিরিব দ্বারে দ্বারে ।
বল্ব “জননীকে কে দিবি দান
কে দিবি ধন তোরা কে দিবি প্রাণ”

- (তোদের) মা ডেকেছে কব বারে বারে ।
তোমার নামে প্রাণের সকল সুর
উঠবে আপনি বেজে সুধা-মধুর—
- (মোদের) হৃদয় যন্ত্রেরই ভারে ভারে ।
বেলা গেলে শেষে তোমারি পায়ে
এনে দেব সবার পূজা কুড়িয়ে
- (তোমার) সস্তানেরি দান ভারে ভারে ।

সোনার বাংলা ।

বাউলের সুর ।

আমার সোনার বাংলা, আমি তোমায় ভালবাসি ।

চিরদিন তোমার আকাশ, তোমার বাতাস
আমার প্রাণে বাজায় বাঁশী ॥

ওমা ফাগুনে তোর আমের বনে
ড্রাণে পাগল করে, (মরি হায় হায় রে) ।

ওমা অজ্রাণে তোর ভরা ক্ষেতে
কি দেখেছি মধুর হাসি ॥

কি শোভা কি ছায়া গো,

কি স্নেহ কি মায়া গো,

কি আঁচল বিছায়েছ বটের মূলে

নদীর কূলে কূলে ।

মা, তোর মুখের বাণী আমার কানে

লাগে সুধার মত (মরি হায় হায় রে)—

মা, তোর বদনখানি মলিন হ'লে

আমি নয়নজলে ভাসি ॥

তোমার এই খেলাঘরে

শিশুকাল কাটিল রে,

তোমারি ধুলামাটিঅঙ্গে মাখি

ধন্ত জীবন মানি ।

তুই দিন সুরালে সন্ধ্যাকালে

কি দীপ আলিস ঘরে (মরি হায় হায় রে)—

তখন খেলাধুলা সকল ফেলে

তোমার কোলে ছুটে আসি ॥

দেখু-চরা তোমার মাঠে,
 পারে যাবার খেয়াঘাটে,
 সারাদিন পাখি-ডাকা ছায়ায় ঢাকা
 তোমার পল্লিবাটে,—
 তোমার ধানে-ভরা আঙিনাতে
 জীবনের দিন কাটে (মরি হায় হায় রে)—
 ওমা আমার যে ভাই তারা সবাই
 তোমার রাখাল তোমার চাষী ॥

ওমা তোর চরণেতে
 দিলেম এই মাথা পেতে
 দেগো তোর পায়ের ধূলো সে যে আমার
 মাথার মানিক হবে ।
 ওমা গরীবের ধন যা আছে তাই
 দিব চরণতলে (মরি হায় হায় রে)
 আমি পরের ঘরে কিন্ব না তোর
 ভূষণ বলে' গলার ফাঁসি ॥

দেশের মাটি ।

বাউলের সুর ।

ও আমার দেশের মাটি,
তোমার 'পরে ঠেকাই মাথা
তোমাতে বিশ্বময়ীর
(তোমাতে বিশ্বনাথের)
আঁচল পাতা ।

তুমি মিশেছ মোর দেহের সনে,
তুমি মিলেছ মোর প্রাণে মনে,
তোমার ঐ শ্রামলবরণ কোমলমূর্তি

মর্মে গাঁথা—

তোমার কোলে জনম আমার,
মরণ তোমার বুকে ।
তোমার 'পরেই খেলা আমার
ছঃথে স্তখে ।

তুমি অন্ন মুখে তুলে দিলে,
তুমি শীতল জলে জুড়াইলে,

তুমি যে সকল-সহা সকল-বহা
 মাতার মাতা ।
 অনেক তোমার খেয়েছি গো,
 অনেক নিয়েছি মা,
 তবু, জানিনে যে কিবা তোমার
 দিয়েছি মা !
 আমার জনম গেল মিছে কাজে,
 আমি কাটানু দিন ঘরের মাঝে,
 ওমা বুধা আমার শক্তি দিলে শক্তিদাতা !

দ্বিধা ।

বেহাগ—একতারা ।

বুক বেঁধে তুই দাঁড়া দেখি,
 বায়ে বায়ে হেলিস্নে ভাই ।
 শুধু তুই ভেবে ভেবেই
 হাতের লক্ষ্মী ঠেলিস্নে ভাই ॥

একটা কিছু করেনে ঠিক,
 ভেসে ফেরা মরার অধিক,
 বারেক এ দিক্ বারেক ও দিক্
 এ খেলা আর খেলিস্নে ভাই ॥

মেলে কি না মেলে রতন
 করতে তবু হবে যতন,
 না যদি হয় মনের মতন
 চোখের জলটা ফেলিস্নে ভাই ।

ভাসাতে হয় ভাসা ভেলা,
 করিস্নে আর হেলাফেলা,
 পেরিস্নে যখন যাবে বেলা
 তখন আঁধি মেলিস্নে ভাই ॥

অভয় ।

ভূপালি—একতালা ।

আমি ভয় করব না, ভয় করব না ।
 ছু বেলা মরার আগে
 মরব না ভাই মরব না ॥

তরিখানা বাইতে গেলে
 মাঝে মাঝে তুফান মেলে
 তাই বলে' হাল ছেড়ে দিয়ে
 কান্নাকাটি ধরুব না ॥

শক্ত যা তাই সাধুতে হবে,
 মাথা তুলে রইব ভবে,
 সহজ পথে চলব ভেবে
 পাকের 'পরে পড়'ব না ॥

ধর্ম আমার মাথায় রেখে,
 চলব সিধে রাস্তা দেখে
 বিপদ যদি এসে পড়ে
 ঘরের কোণে সন্নিব না ॥

হবেই হবে ।

বাউলের সুর ।

নিশিদিন ভরসা রাখিস্
 ওরে মন হবেই হবে
 যদি পণ করে' থাকিস্
 সে পণ তোমার হবেই হবে ।
 ওরে মন হবেই হবে ।

পাষণসমান আছে পড়ে'
 প্রাণ পেয়ে সে উঠবে ওরে
 আছে যারা বোবার মতন
 তারাও কথা কবেই কবে ।
 ওরে মন হবেই হবে ।

সময় হলো সময় হলো
 যে যার আপন বোঝা তোলো
 দুঃখ যদি মাথায় ধরিস্
 সেই দুঃখ তোর সবেই সবে ।
 ওরে মন হবেই হবে ।

ঘণ্টা যখন উঠবে বেজে
 দেখুবি সবাই আসুবে সেজে
 এক সাথে সব যাত্রী যত
 একই রাস্তা লবেই লবে !
 ওরে মন হবেই হবে ।

 বান ।

(সারি গানের সুর)

এবার তোর মরা গাঙে বান এসেছে
 জন্ম মা বলে ভাসা তরী ॥

ওরে রে ওরে মাঝি কোথায় মাঝি
 প্রাণপণে ভাই ডাক দে আজি,
 তোরা সবাই মিলে বৈঠা নেরে
 খুলে ফেল্ সব দড়াদড়ি ॥

দিনে দিনে বাড়ল দেনা,
 ও ভাই করলি নে বেচা কেনা
 হাতে নাইরে কড়া কড়ি ।
 ঘাটে বাঁধা দিন গেলরে
 মুখ দেখাবি কেমন করে,—
 ওরে দে খুলে দে পাল তুলে দে
 বা হয় হবে বাঁচি মরি ?

একা ।

(বাউলের সুর)

যদি তোর ডাক শুনে কেউ না আসে

তবে একলা চলরে !

একলা চল, একলা চল,

একলা চলরে !

যদি কেউ কথা না কয়—

(ওরে ওরে ও অভাগা)

যদি সবাই থাকে মুখ ফিরায়ে,

সবাই করে ভয়,

তবে পরাণ খুলে

ও তুই মুখ ফুটে তোর মনের কথা

একলা বলরে !

যদি সবাই ফিরে যায়—

(ওরে ওরে ও অভাগা)

যদি পহন পথে যাবার কালে

কেউ ফিরে না চায়—

তবে পথের কাঁটা,

ও তুই রক্তমাখা চরণতলে

একলা দলরে !

যদি আলো না ধরে—

(ওরে ওরে ও অভাগা)

যদি ঝড় বাদলে আঁধার রাতে

হুয়ার দেয় ঘরে—

তবে বজ্রানলে

আপন বুকের পাঁজর আলিয়ে নিয়ে

একলা জলরে !

যদি তোর ডাক শুনে কেউ না আসে

তবে একলা চলরে !

একলা চল, একলা চল

একলা চলরে !

মাতৃমূর্তি ।

বিভাস—একতারা ।

আজি বাংলাদেশের হৃদয় হতে

কখন আপনি

তুমি এই অপরূপ রূপে বাহির
হলে জননী !

ওগো মা—

তোমার দেখে দেখে আঁধি না ফিরে !
তোমার ছয়ার আজি খুলে গেছে
সোনার মন্দিরে !
ডান হাতে তোর খড়্গা জলে
বাঁ হাত করে শঙ্কাহরণ,
ছই নয়নে স্নেহের হাসি
ললাট-নেত্র আগুন-বরণ ।

ওগো মা—

তোমার কি মূর্তি আজি দেখিরে—
তোমার ছয়ার আজি খুলে গেছে
সোনার মন্দিরে ।
তোমার মুক্তকেশের পুঞ্জ মেঘে
লুকায় অশনি,
তোমার আঁচল বলে আকাশতলে,
রৌদ্র-বসনী !

ওগো মা—

তোমার দেখে দেখে আঁধি না ফিরে—

তোমার হৃদয় আজি খুলে গেছে
সোনার মন্দিরে ।

যখন অনাদরে চাইনি মুখে
ভেবেছিলেম হুঃখিনী মা

আছে ভাঙাঘরে একলা পড়ে
হুঃখের বুঝি নাইকো সীমা ।

কোথা সে তোমার দরিদ্র বেশ
কোথা সে তোমার মলিন হাসি,
আকাশে আজ ছড়িয়ে গেল
ঐ চরণের দীপ্তিরাশি ।

ওগো মা

তোমার কি মূর্তি আজি দেখিবে !

আজি হুঃখের রাতে স্নেহের স্রোতে
ভাসাও ধরণী

তোমার অভয় বাজে হৃদয়মাঝে
হৃদয়-হরণী ।

ওগো মা

তোমার দেখে দেখে অঁাধি না কিরে !

তোমার হৃদয় আজি খুলে গেছে
সোনার মন্দিরে ॥

বাউল ।

(১)

যে তোমার ছাড়ে ছাড়ুক

আমি তোমার ছাড়ব না মা !

আমি তোমার চরণ করব শরণ

আর কারো ধার ধারব না মা !

কে বলে তোর দরিদ্র ঘর

হৃদয়ে তোর রতন রাশি,

জানি গো তোর মূলা জানি

পরের আদর কাড়ব না মা !

আমি তোমার ছাড়ব না মা !

মানের আশে দেশ বিদেশে

যে মরে সে মরুক যুরে

তোমার ছেঁড়া কাঁথা আছে পাতা

ভুলতে সে যে পারুব না মা

আমি তোমার ছাড়ব না মা ।

ধনে মানে লোকের টানে

ভুলিয়ে নিতে চায় যে আমার—

ওমা, ভয় যে আগে শিরর বাপে—

কারো কাছেই হারব না মা—

আমি তোমায় ছাড়ব না মা !

(২)

যে তোরে পাগল বলে

তারে তুই বলিস্নে কিছু !

আজ্জকে তোরে কেমন ভেবে

অন্ধে যে তোর ধুলো দেবে

কাল সে প্রাতে মালা হাতে

আস্বে রে তোর পিছু পিছু ।

আজ্জকে আপন মানের ভরে

ধাক্ সে বসে গদির পরে

কাল্কে প্রেমে আস্বে নেমে

করবে সে তার মাথা নীচু ॥

(৩)

ওরে তোরা

নেইবা কথা বলি ।

দাঁড়িয়ে হাটের মধ্যি থানে

নেই জাগালি পল্লী ॥

মরিস্ মিথ্যে বকে ঝকে

দেখে কেবল হাসে লোকে,

না হয় নিরে আপন মনের আগুন
 মনে মনেই জ্বলি—
 নেই জাগালি পল্লী ॥

অস্তরে তোর আছে কি যে
 নেই রটালি নিজেকে নিজে,
 না হয় বাস্তবলো বন্ধ রেখে
 চুপে চাপেই চলি—
 নেই জাগালি পল্লী ॥

কাজ থাকে ত করগে না কাজ,
 লাজ থাকে ত ঘুচাগে লাজ,
 ওরে কে যে তোরে কি বলেছে
 নেই বা তাতে টলি ।
 নেই জাগালি পল্লী ॥

(৪)

যদি তোর ভাবনা থাকে
 ফিরে যা না—
 তবে তুই ফিরে যা না !
 যদি তোর ভঙ্গ থাকে ত
 করি মানা ।

যদি তোর ঘুম জড়িয়ে থাকে গারে
 ভুলবি যে পথ পারে পারে,
 যদি তোর হাত কাঁপে ত নিবিয়ে আলো
 সবার করবি কানা ॥

যদি তোর ছাড়তে কিছু না চাহে মন
 করিস্ ভারী বোঝা আপন
 তবে তুই সহিতে কভু পারিবিনেরে
 বিষম পথের টানা ॥

যদি তোর আপন হতে অকারণে
 সুখ সঙ্গ না জাগে মনে,
 তবে কেবল তর্ক করে সকল কথা
 করিঁ নানা থানা ॥

(৫)

আপনি অবশ হলি তবে
 বল দিবি তুই কারে !
 উঠে দাঁড়া উঠে দাঁড়া,
 ভেঙে পড়িস্ নারে ॥

করিস্নে লাজ করিস্নে ভয়,
 আপনাকে তুই করেনে জয়,
 সবাই তখন মাড়া দেবে
 ডাক দিবি যারে ॥

বাহির যদি হলি পথে
 ফিরিস্নে আর কোনো মতে,
 থেকে থেকে পিছনপানে
 চাস্নে বারে বারে ॥

নেই যে রে ভয় ত্রিভুবনে
 ভয় শুধু তোর নিজের মনে,
 অভয় চরণ শরণ করে
 বাহির হয়ে যা'রে ॥

(৬)

জোনাকি,

কি সুখে ঐ ডানা ছুটি মেলেছ ॥
 এই অঁধার সাজে বনের মাঝে,
 উল্লাসে প্রাণ ঢেলেছ ॥

তুমি নও ত সূর্য্য, নও ত চন্দ্র,
 তাই বলেই কি কম আনন্দ !

তুমি আপন জীবন পূর্ণকরে
 আপন আলো জ্বলেছ ॥

তোমার যা আছে তা তোমার আছে,
 তুমি নওগো ধনী কারো কাছে,
 তোমার অস্তরে যে শক্তি আছে
 তারি আদেশ পেলেছ ॥

তুমি অঁধার বাঁধন ছাড়িয়ে ওঠ,
 তুমি ছোট হরে নও গো ছোট,
 জগতে যেথায় যত আলো, সবায়
 আপন করে ফেলেছ ॥

মাতৃগৃহ ।

(বাউলের সুর)

মা কি তুই পরের দ্বারে
 পাঠাষি তোর ঘরের ছেলে ?
 তারা যে করে হেলা, মারে ঢেলা
 ভিক্ষাবুলি দেখতে পেলে ॥

করেছি মাথা নীচু,

চলেছি যাহার পিছু

যদি বা দেয় সে কিছু অবহেলে—

তবু কি এম্নি করে ফিরব ওরে ॥

আপন মায়ের প্রসাদ ফেলে ॥

কিছু মোর নেই ক্ষমতা,

সে যে ঘোর মিথ্যে কথা,

এখনো হয়নি মরণ শক্তিশেলে—

আমাদের আপন শক্তি আপন ভক্তি

চরণে তোর দেব মেলে ॥

নেব গো মেগে পেতে

যা আছে তোর ঘরেতে

দেগো তোর অঁচল পেতে চিরকালে—

আমাদের সেইথেনে মান সেইথেনে প্রাণ

সেইথেনে দিই হৃদয় ঢেলে ॥



প্রয়াস ।

(বাউল)

তোর আপন জনে ছাড়বে তোরে
তা বলে ভাবনা করা চলবে না ।

তোর আশালতা পড়বে ছিঁড়ে
হয়ত রে ফল ফলবে না—

তা বলে ভাবনা করা চলবে না ॥

আস্বে পথে আঁধার নেমে
তাই বলেই কি রইরি থেমে
ও তুই বারে বারে জ্বাল্‌বি বাতি
হয় ত বাতি জ্বলবে না—
তা বলে ভাবনা করা চলবে না ॥

শুনে তোমার মুখের বাণী
আস্বে ঘিরে বনের প্রাণী,
তবু হয় ত তোমার আপন ঘরে
পাষণ হিয়া গলবে না—
তা বলে ভাবনা করা চলবে না ॥

বন্ধ ছয়ার দেখুবি বলে
 অমনি কি তুই আসুবি চলে,
 তোরে বারে বারে ঠেলুতে হবে
 হয় ত ছয়ার টলুবে না—
 তা বলে ভাবনা করা চলুবে না ॥

বিলাপী ।

(বাউলের সুর)

ছিছি, চোখের জ্বলে
 ভেজাসুনে আর মাটি ।
 এবার কঠিন হয়ে থাকুনা ওরে
 বন্ধ ছয়ার আঁটি—
 জ্বারে বন্ধ ছয়ার আঁটি ॥

পন্নানটাকে গলিয়ে ফেলে
 দিসুনেরে ভাই পথেই ঢেলে
 মিথ্যে অকাজে !

ওরে নিলে তারে চলুবি পারে
 কতই বাধা কাটি
 পথের কতই বাধা কাটি ॥

দেখলে ও তোর জলের ধারা

ঘরে পরে হাস্বে যারা

তারা চারদিকে—

তাদের দ্বারেই গিয়ে কারা-জুড়িস্

কায় নাকি বুক ফাটি

লাজে যান্ন না কি বুক ফাটি ॥

দিনের বেলায় জগৎ মাঝে

সবাই যখন চলছে কাজে

আপন করবে—

তোরা পথের ধারে বাধা নিয়ে

করিস্ ঘাঁটাঘাঁটি

কেবল করিস্ ঘাঁটাঘাঁটি ॥

— — —
বাউল ।

ঘরে মুখ মালিন দেখে গলিসনে—ওরে ভাই

বাইরে মুখ আঁধার দেখে টলিসনে— ওরে ভাই,

যা তোমার আছে মনে

সাধো ভাই পরাণ পণে

ওধু ভাই দশ জনারে
বলিস্নে—ওরে ভাই,

একই পথ আছে ওরে
চল সেই রাস্তা ধরে,
যে আসে তারি পিছে
চলিস্নে—ওরে ভাই ।

থাকনা আপন কাজে
যা খুসি বলুক না যে,
তা নিয়ে গায়ের আলায়
জলিস্নে—ওরে ভাই ।
